

## Nýr Landspítali staða framkvæmda og fréttir af verkefninu

- **Aðalfundur Nýs Landspítala ohf. 2023**
- **Fréttir af uppsteypu meðferðarkjarna**
- **Framkvæmdastjórn Landspítala heimsækir NLSH**
- **Forval að samkeppni um listaverk við nýjan Landspítala**
- **Heimsókn Byggingafræðingafélags Íslands ásamt finnskum gestum**
- **Tímamót með fyrsta rafmagnssteypubílnum á byggingasvæðinu**


# Aðalfundur Nýs Landspítala ohf. 2023



Sigurður H. Helgason stjórnarmaður, Dagný Brynjólfssdóttir stjórnarmaður, Gunnar Svavarsson framkvæmdastjóri NLSH og Finnur Árnason stjórnarformaður

Aðalfundur Nýs Landspítala ohf, var haldinn 28.apríl. Lögð var fram skýrsla stjórnar um störf félagsins á árinu 2022 og ársreikningar fyrir árið 2022. Í stjórn voru kosin Dagný Brynjólfssdóttir, Finnur Árnason og Sigurður H. Helgason. Engar breytingar urðu á stjórn og Finnur Árnason stjórnarformaður.

## Fréttir af uppsteypu meðferðarkjarna



Loftmynd af uppsteypu meðferðarkjarna, sem samanstendur af fimm stöngum sem koma ofan á tveggja hæða kjallara sem er neðanjarðar. Stöng 1, sem er fjærst á myndinni, er komin í fulla hæð (6 hæðir ofan á kjallara). Framkvæmdir við aðrar stangir standa þannig að eftir er að steypa upp eina til þrjár hæðir upp í fulla hæð

Maímánuður hefur verið hagstæður í uppsteypunni.

„Uppsteypa meðferðarkjarna gengur vel, þó svo að í kringum páskahátíðina var nokkuð skert framleiðsla á svæðinu, þar sem flestir voru í verðskulduðu frii. Vinna við efstu hæð stangar tvö er hafin, en helstu verkþættir við uppsteypuna eru sem fyrr við mótauppslátt, járnabendingu, eftirspennu og uppsetningu stálvirkis. Góður gangur hefur verið í uppsetningu stálvirkis í millibyggingum og meðfram því í uppsteypu millibygginganna. Vinna við tengiganga er í fullum gangi og við bílastæða- og tæknihús, þar sem steypur var síðasti áfangi botnplötunnar í byrjun maí. Næst á dagskrá í framkvæmdum á svæðinu er uppsteypa bílakjallara austan við síhækkandi meðferðarkjarna,“ segir Árni Kristjánsson staðarverkfræðingur Nýs Landspítala.

## Framkvæmdastjórn Landspítala heimsækir NLSH



Það viðraði ágætlega þegar framkvæmdastjórn Landspítala skoðaði framkvæmdasvæðið

þann 16.maí heimsóttu fulltrúar framkvæmdastjórnar Landspítala framkvæmdasvæði NLSH við Hringbraut.

Stjórn NLSH tók á móti gestum og framkvæmdastjóri NLSH fór yfir verkefni NLSH. Eftir kynningu og umræður fór Ólafur Birgisson staðartæknifræðingur með hópinn í göngu um framkvæmdasvæðið.

Forstjóri Landspítalans, Runólfur Pálsson, þakkaði fyrir ánægjulega og upplýsandi heimsókn. Framkvæmdastjórnin tók undir orð forstjórans að það væru spennandi tímar framundan.

# Forval að samkeppni um listaverk við nýjan Landspítala



Nýr Landspítali stendur að forvali um listaverk við Sóleyjartorg

Nú stendur yfir forval á vegum Nýs Landspítala að lokaðri samkeppni um listaverk þar sem myndlistarmönnun er boðið að taka þátt.

Samkeppnissvæðið er Sóleyjartorg, aðalaðkomutorg meðferðarkjarnans, ásamt anddyri byggingarinnar. Sóleyjartorg nær frá aðalbyggingu gamla Landspítalans yfir að miögötu svæðisins, Burknagötu. Samkeppnin mun fara fram eftir samkeppnisreglum Sambands íslenskra myndlistarmanna (SÍM), er lokuð samkeppni með opnu forvali. Í fyrri áfanga samkeppninnar, forvali, mun forvalsnefnd velja fimm myndlistarmenn og/eða listamannahópa úr innsendum þátttökutilkynningum til þátttöku í seinni hluta samkeppninnar.

Mbl.is fjallar um samkeppnina í umfjöllun 30. apríl þar sem rætt er við Gunnar Svavarsson, framkvæmdastjóra NLSH um þetta skemmtilega verkefni.

Umfjöllun mbl.is má sjá hér:

[https://www.mbl.is/frettir/innlent/2023/04/30/listaverk\\_vid\\_nyja\\_spitalann/](https://www.mbl.is/frettir/innlent/2023/04/30/listaverk_vid_nyja_spitalann/)

Allar nánari upplýsingar er að finna á vefsíði NLSH:

<https://www.nlsh.is/skipulag-og-listaverk/listaverk/>

# Heimsókn Byggingafræðingafélags Íslands ásamt finnskum gestum



Það voru áhugasamir finnskir gestir sem heimsóttu framkvæmdasvæðið

Í lok apríl komu góðir gestir í heimsókn, hópur finnskra tæknimanna sem komu sem gestir á vegum Byggingafræðingafélags Íslands. Hópurinn skoðaði ýmis framkvæmdaverkefni í ferðinni og framkvæmdasvæði NLSH var eitt þeirra. Gísli Georgsson, verkefnastjóri á tækni- og þróunarsviði, NLSH hafði umsjón með kynningunni og að henni lokinni tók við skoðunarferð um framkvæmdasvæðið undir leiðsögn Steinars Þórs Bachmann verkefnastjóra á framkvæmdasviði.

„Við hjá Byggingafræðingafélagi Íslands eיגum í norrænu samstarfi með kollegum okkar frá Finnlandi varðandi heimsókn þeirra til Íslands í lok apríl. Það var mikil ánægja hjá hópnum með að fá að heimsækja byggingasvæði stórrframkvæmda,” segir Stefán Steindórsson formaður félagsins.

# Tímamót með fyrsta rafmagnssteypubílum á byggingasvæðinu




Fyrsti rafmagns steypubíllinn sem tekinn hefur verið í notkun hérlandis

Ánægjulegur áfangi varð í maí þegar fyrsti rafmagnssteypubíllinn renndi í hlað á framkvæmdasvæðinu við Hringbraut. Um er að ræða fyrsta steypubíllinn hérlandis sem er alfarið knúinn rafmagni. Vonandi er þetta merki um breytta tíma og meiri umhverfislega nálgun í framkvæmdum.

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið      Aksturstefna      Gönguleið      Vinnusvæði

## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöulum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Andri Ólafsson 863 8595 [andriol@landspitali.is](mailto:andriol@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



[nlsh.is](http://nlsh.is)

NLSH ohf. / Alaskareitnum við Burknagötu / Póstfang: Pósthólf 20, 121 Reykjavík  
Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

*Höfundaréttur © NLSH ohf.*